



UNIVERSITÄTS-
BIBLIOTHEK
PADERBORN

Universitätsbibliothek Paderborn

Monumenta Paderbornensia

Ferdinand <II., Paderborn, Bischof>

Francofurti ; Lipsiæ ; Norjbergæ, 1713

VI. Quibus rebus Westphali ad progressum litteris adjuventur.

urn:nbn:de:hbz:466:1-29975

CAPUT VI.

Quibus rebus Westphali ad progressum in litteris adjuventur.

Neque verò minore contentione Westphali studia perse-
qui solent, quām arripuerint. est enim huic genti co-
gnata incredibilis quādam industria, quā exterorum
quoque hominum præconium meruit. Sunt enim ab Erasmo
hēc ipsa scripta in epistola ad Thomam Morum summum il-
lius seculi lumen. *Westphalus*, inquit, *populus*, ut vulgè rudi-
or habetur (nempe à tuis Batavis, mi Erasme, politis scilicet ho-
minibus) ita multos nobis dedit summis ingeniis, minimeque
vulgari doctrinā præditos. Non aliud genus mortalium pa-
tientius laborum est. Rara profecto singularisque laus. Quā
enim duas res tam agrē in uno homine, ne dicam gente, copu-
lantur, quām ingenii magnitudo, & laboris contentio? ferē
enim qui ingeniosi, iūdem sibi præfidentes, plurimū otio se
dedunt, ne minus ingenii habere videantur, si plūs laboris
assumpserint. At qui contrā fieri oportuit. Ut enim quō fœ-
cundior est ager, hoc operam coloni remuneratur uberiùs:
ita præstantissimum quodquæ īngēnum hoc est fructuosius,
quō dil gentiūs, instantiusque colitur. Neque verò parum
affert momenti ad promovenda studia Westphalorum, cele-
ritati ingeniorum adjuncta modestia, & ab effrenatis moti-
bus alieni mores. Sic enim plerosque omnes natura compa-
ravit, ut facile imperare animo suo, suæque vitæ modum te-
nere cordiscant. quo quidem nihil est ad accipiendos sapien-
tiæ satus accommodatius. Ejus rei video ab harum rerum
prudentibus duo argumenta sanè luculenta proferri. Alter-
um, quōd cūm plures ferē Westphalis, quām cæteris Ger-
maniae populis, quotannis propter discendi cupiditatem in
alienas terras demigrent, multi item quotannis in patriam
referant, incorruptam tamen adhuc, atque integrā ab
omni

omni depravato exterarum gentium more Westphaliā tueantur. Eadem semper in viētu cultuque frugalitas: idem in moribus candor: eadem in dictis factisque constantia. Longissimē enim absunt ab eorum errore, qui tum demū se præclarè peregrinatos arbitrantur, cùm quot gentes accesserint, totidem peregrinis vitiis obsici revertuntur. Itaque cujusmodi eum expressit Homerus, quem imaginem postoris proposuit Sapientiæ, tales plerosque Westphalorum fingit natura, format educatio, confirmat industria, ut non magno negotio & Sirenum blanditias, & artes filiarum Solis prætervehantur impune. id qui norit eum demum scito certissimum ad absolutam sapientiam cursum tenere posse. Alterum quoque indicium facilis & pacatae naturæ commemo- rant, quod nulla Germaniæ gentium plures procrearit, qui in alienis rebus pub. honoribus, atque muneribus vel minore invidiâ sint ornati, vel majore omnium commendatione perfundi. Nulla siquidem est non dico illustris, & splendi- da, sed omnino paullò lautior Westphaliæ domus, quæ non aliquos è suis majoribus laudare possit, extra patriam in aliquo vel viri Principis Consilio, vel alicujus reip. Senatu, vel aliquo denique Ecclesiastico, aut civili magistratu iis quoque faventibus versatos, qui se præteritos jure queri posse videbantur. Sic enim induxerunt animum plerique mortalium, cuiusque commoda, atque ornamenta civitatis, civium esse oportere. ad ea si alienus aspiret, omnibus est invidiae te- lis expositus, quæ quisquis evitare desiderat, cum necesse est usque eō animo suo posse imperare, ut neque illa improbi- tatis significacione nudum latus calumniis præbeat, & se fa- cilè in tam excelso virtutis fastigio collocet, quod nulla in- vidia possit attingere. Quæ omnia, quid aliud significant, quām in Westphalorum indole innata atque inclusa singula- ris cujusdam semina virtutis, quæ si tempestivâ culturâ tan- tisper foveantur, atque adolescant, dum justam maturita- tem assequantur, intellectisti Princeps Sapientissime, brevi Westphaliā universam plurimis, & maximis ornamentis,

b 3

atque

atque præsidiis non ad suam modò, verùm ad totius Christia-
næ reip. utilitatem abundaturam.

CAPUT VII.

*De aliena à veteri Religione Academia in
Westphalia tentata.*

Quare nunquam tibi pro eo ac meretur hoc tamdiu o-
ptatum beneficium, gratiam Westphalia referet. Tu
enim primus in media ejus luce campum aperuisti, in
quo nostrorum hominum industria, in exiguum gyrum pau-
carum nuper disciplinarum compulsa, liberè tandem ad o-
mnem Sapientiam excurrere, cognoscique possit. Tibi debet
omnis posteritas, quòd quæ majores nostri litterarum decora,
atque præsidia peregrè petebant, ea jam domi, te auctore na-
scantur, atque ita patriam, quam adhuc parentem tantum, &
altricem suam vocabant, deinceps, tuo beneficio, eorum quo-
que bonorum procreatrixem sint habituri, quæ sola, cùm se-
mel possidere cœperimus nunquam nostra esse desinent. Est
verò aliud quoque quod divinæ providentiae gratulemur, ne-
que enim mithitam latitudinem videtur, quòd aliquando hoc
doctorum hominum seminarium in Westphalia sit conditum,
quàm quòd eam mentem veteris, atque Orthodoxæ religionis
colenti Principi potissimum injecerit. Neque enim defuerunt
qui secessione ab Ecclesia Catholica facta, Westphaliam post
annos jam demum ostingentes veritatem se docturos profes-
si, suis novis opinionibus, Academiarum more, non modò Ec-
clesiarum opibus, sed etiam Ecclesiasticis Principibus admini-
stris extruere gymnasia laborarunt. Fuit in eo numero supe-
riore seculo Arnoldus Burenus, cuius extat oratio sanè ver-
bosa ad Franciscum Monasterensem Episcopum, non sine
præfatione Philippi Melanchthonis. In ea principio mirificè
laudat Episcopum, quòd *incredibili totius propè Germanie
admiratione, à Pontificia illa, ut ipse loquitur, impietate ad
pu-*